

「上課ㄚ~上課ㄚ~ 趕緊坐好勢，窻條佢課本提出來，咱今仔日欲來上台灣ㄟ地方。」老師人未曾到，聲著先到。「來來來，先綴老師唸歌，臆謎猜：「六甲帶身是大肚，規世人勇健是永康。點香拜神是三芝，警察巡查是保安。蠔仔咬著是艋舺，雙火雙水是淡水。雨後春筍是新竹，四季如春是恆春。飲水思源是知本，世界和平是大同。」

社會課真誠是真趣味，老師上課若親像咧講古。繼落去，老師閣介紹他去迺迺的時陣，愛食愛買ㄟ伴手：「基隆著愛買麻荖，深坑愛食豆腐臭，三峽愛買金牛角，大溪愛食黑豆干。新竹米粉是上出名，苗栗愛去挽刺波。台中伴手是麥芽餅，南投水蜜桃是甜閣大，

彰化肉圓一定愛食，古坑咖啡芳閣醇，嘉義火雞肉飯好滋味，台南碗粿是綿綿綿。烏鬼埔一定著愛買菝仔，順煞來去萬巒食豬腳，台東買釋迦，花蓮買麻糬，宜蘭三星蔥ㄚ餅是尚有名。對台灣頭食到台灣尾，覓一輩，食透透，買齊齊。」老師講佢袂咬舌，阮佇下跤聽佢是喙瀾瀾滴。

閣再來，講起地方ㄟ民俗，著一定愛講「三月瘋媽祖」。老師講：媽祖一出世著毋捌出聲吼，所以 in 老爸著閣她號名，叫做林默娘。默娘自細漢著真乖巧，而且閣得到仙人ㄟ點化，學得一身ㄟ法術。收服了兩隻作怪ㄟ大妖，一隻是順風耳，一隻是千里眼。默娘蹠ㄟ所在是佇海邊，居民攏是出海咧討食ㄟ漁民，In 常常搪著海難。順風耳一聽到有人咧喝救命，默娘著ㄟ叫千里眼揣出漁民ㄟ所在，然後騰雲駕霧去佢 in 解救。

默娘死了後列入仙班，漁民抑是常常得著伊ㄟ幫助，著供奉默娘為媽祖，感謝伊對漁民ㄟ保庇。台灣先民早期坐船渡過烏海水來到台灣，對媽祖ㄟ信仰嘛就傳過來。媽祖會當解救眾生，百姓若是著病，抑是生活袂得過，攏ㄟ來去乞求媽祖ㄟ庇佑，「三月瘋媽祖」嘛變成全民ㄟ活動。

老師講故事是蓋有趣味。逐家聽佢真迷精。人講：「戲棚頂一工，戲棚下三冬」。原來老師十八般武藝，是早著攢好勢，老人毋講古，少年毋捌寶。咱做學生著愛認真上課啊！